

ՎՐԵԺ ՎԱՐԴԱՆՅԱՆ

Քրիստոսի ժամանակաշրջանում Վասպուրականի տնտեսական և քաղաքական կյանքի հիմքը երկրագործությունն էր, որի վրա խարսխվում և առաջադիմում էին ֆեոդալական հասարակության կյանքի բոլոր բնագավառները: Բնականաբար, Կիմնական արտադրողը համայնքի բնակիչ շինականն էր: Այս իրողությունը ցայտուն արտահայտություն է գտել Գրիգոր Նարեկացու «Հարություն» առղում, ուր հաստատվում է, լայնաթիկունք շինականը ձայնում է եղանը և առաջ մղում սայլը¹, որ հայտանշում է կյանքի առաջընթացը: Խոսքով Անձեաքին գրում է, որ շինականը ռմշակ է զերկիր սերմանալը կամ տնկովը. և զհասարակաց պէտս լիացուցանէ. ոչ մարգկան միայն այլև զանասնոց: Եւ հրճուի իւրաքանչիւր ոք ի վաստակս ձեռաց իւրոց: Եւ հրճուանս այլոց կազմէ և անկարիցն ընծայ բերէ զիւր արդար վաստակոցն»²: «Մատյան ողբերգության» երկում Նարեկացին արարչին համեմատում է մշակի հետ³, որը նույնպես խորհրդանշում է երկրագործի արարչագործ աշխատանքը:

Քաղաքական ծանր պայմանները, արհավիրքները հաճախ սասանում էին Վասպուրականի տնտեսության զարգացումը: Թշնամիների հարձակումներից առաջին հերթին տուժում էին գյուղական համայնքների բնակիչները: Ասպատակություններից խույս տալով, վասպուրականցի գեղջուկը շատ հաճախ հեռանում էր հարևան գավառների լեռնածերպերը⁴: Բայց հենց որ երկիրը հանդարտվում էր, նա վերստին վերադառնում և տքնում էր իր հողակտորի վրա: Աբբասյանների տիրապետության տարիներին ծանր հարկերի և քաղաքական անապահով կացության պատճառով Վասպուրականի շինականության զգալի մասը հեռացավ հայրենի գյուղահամայնքից (ի դեպ, Աբբասյանները չէին արգելում գյուղացիների հեռացումը երկրից)⁵: Բայց եթե անգամ մնում էր բնակչության մեկ քառորդը, համայնքը գոյատևում էր և ավելի ծանր պայմաններում կատարում հարկային պարտությունները, քանի որ Աբբասյանների օրոք համերաշխիքի սկզբունքը հարկադրում էր, որպեսզի համայնքի բնակիչները հարկ վճարեն նաև հեռացածների փոխարեն (խալիֆայությունում ընդունված կարգի համաձայն հարկը գանձվում էր ոչ թե անհատներից, այլ համայնքից)⁶: Համայնքի իրավունքները ճանաչվում էին արաբների կողմից:

¹ «Գրիգորի նարեկայ վանից վանականի Մատենագրությունը», Վենետիկ, 1840, էջ 473—474:

² Մ. Մաշտոցի անվան Մատենադարան, ձեռ. № 2607, Թ. 38բ:

³ Գրիգորի նարեկացի, էջ 157:

⁴ «Յոզանեու կաթողիկոսի Դրասխանակերտեցւոյ Պատմութիւն Հայոց», Թիֆլիս, 1912, էջ 270, 328 և այլն:

⁵ Baladhuri, The origins of the Islamic state (Kitab Futuh al-Buldan), vol. I, New-York, 1916, p. 338.

⁶ A bou Jousouf Ja'koub, Le Livre de l'impôt foncier (Kitab el-Kharadj), Paris, 1921, p. 116—117.

Մուկթադիր խալիֆան 923 թ. նույնիսկ հրաման արձակեց, որով համայնքի անգավակ քրիստոնյաների ժառանգությունը մնում էր ոչ թե պետությունը, այլ վախճանվածի համայնքին⁷։ Աբբասյանների օրոք Հայաստանի երկրագործ բնակչությունը նվազեց, պատմիչի արտահայտությամբ՝ «երկրագործք մեր սպառեցան»⁸։ Այդ հանգամանքը չէր կարող բացասաբար չանդրադառնալ համայնքների կացության վրա։

Սովորական, խաղաղ պայմաններում գյուղաբնակչությունը կենտրոնանում էր բերրի հողերում։ Այդ իսկ պատճառով Վասպուրականի դաշտային մասերում բնակավայրերը համեմատաբար բազմամարդ էին։ Ըստ Թովմա Արծրունու, այնտեղ առկա էին «զբազմամարդի գեօղս և աւանս»⁹։

Գյուղական համայնքների աշխատունակ բնակիչների թիվը և երգերի ունեցվածքը հաշվառելու համար Վասպուրականում կատարվել են աշխարհագրեր, որոնց շնորհիվ պարզվել են համայնքների հարկային և գանձահասութային հնարավորությունները։ Աշխարհագիրը կոչվել է նաև «մարդահամար», որն անցկացնելիս անտեսվել են անաշխատունակները, ուստի վերջիններիս Գրիգոր Նարեկացին հորշորշում է «զվիժած... ի մարգկանն համարոյ»¹⁰։ IX—X դդ. Վասպուրականի գյուղահամայնքների բնակիչները հիմնականում կախյալ և ազատ գյուղացիներն էին։ Կախյալ գյուղացու առկայությունը ֆեոդալն ավելի էր շահագրգռված, քանի որ նրա անձնական տնտեսության՝ կալվածքի, մեջ կիրառվում էր հիմնականում կախյալ գյուղացիների և ճորտերի աշխատանքը։ Հաճախ ազատ գյուղացին վերածվում էր կախյալի՝ պետության նկատմամբ ունեցած հարկային և այլ պարտույթների կատարման մեջ թերանալու պատճառով։ Ուստի գյուղացու «աղատ» հորջորջումը պայմանական հասկացություն էր, և գյուղացին երբեք ազատ չէր կարող լինել պետության նկատմամբ հարկային պարտավորություններից (ինչպիսին էր ֆեոդալ-ազատը)։ Վասպուրականում, աղբյուրների վկայությամբ, ամբողջ շեներ կախման մեջ էին դրվում ֆեոդալից, եկեղեցուց։ Այսպես, երբ Գագիկ Արծրունու կին Մլեքեն կառուցել տվեց Վարազա վանքի ս. Աստվածածին եկեղեցին, նրան նվիրեց կալվածներ՝ գյուղերով¹¹։ Երբեմն գյուղահամայնքներն իշխանների կամքով տեղահանվում էին։ Օրինակ՝ Գագիկ Արծրունին մի ձեռակերտի կառուցման համար տեղահանեց ամբողջ գյուղեր¹²։ Երբեմն գյուղերն ու ագարակները ընծայվում էին¹³։ Ուրեմն վերջիններս կախյալ էին։ Նման դեպքերում կախյալ գյուղացին բնականաբար կորցնում էր տարիներով մշակած անդաստանը։ Նա նոր վայրում ֆեոդալից ստանում էր հողակտոր, որի դիմաց կատարում էր զանազան պարտույթներ։ Գյուղացիության կախվածությունը դրսևորվում էր նաև այլ պարհակների

7 А. Мец, Мусульманский ренессанс, М., 1973, стр. 102.

8 Հովհաննես Դրասխանակերտցի, էջ 257։

9 Քրիստոսյանի վարդապետի Արծրունու Պատմութիւն տանն Արծրունեաց, Թիֆլիս, 1917, էջ 213։ Համայնքը միավորում էր ոչ միայն առանձին երգերը, այլև երբեմն գյուղերը, իսկ Ս. Հակոբյանի կարծիքով՝ նաև ավանները (Ս. Ե. Հակոբյան, Հայ գյուղացիության պատմություն, հ. 2, Երևան, 1964, էջ 184)։

10 Գրիգոր Նարեկացի, էջ 47։

11 Բ. Սարգիսյան, Մայր ցուցակ հայերեն ձեռագրաց մատենադարանին Մխիթարյանցի վենետիկ, հ. 1, Վենետիկ, 1914, էջ 388։

12 Քրիստոսյան Արծրունի, էջ 411։

13 Նույն տեղում, էջ 369։

կատարման մեջ: Գյուղացիները մասնակցում էին բերդերի, պալատների, եկեղեցիների, ճանապարհների, կամուրջների կառուցմանը կամ նորոգմանը, երբեմն կատարում պարհակային ծառայություն և այլն: Թովմա Արծրունու շարունակողը վկայում է, որ Աղթամարի տաճարի և պալատի կառուցմանը մասնակցում էին նաև ուսմիկները¹⁴: Գագիկ Արծրունին «հրաման տայցէ, զի լինիցի տեղի ապաստանի ամենայն հինից և թշնամեաց եկելոց. և թագաւորն գթացեալ ոչ արգելու զիսնդրեալ պարգևան»¹⁵: Դրանից հետո շատերը գալիս են բնակվելու Աղթամարում: Սակայն պատմիչի վկայությունից երևում է, որ Աղթամարում վերաբնակվողները հաճությամբ չեն եկել, քանի որ Գագիկ Արծրունին ստիպված է եղել թե՛ իրավական և թե՛ նյութական արտոնություններ շնորհել նրանց: Ուրեմն, եկողները (որոնց մեծ մասը պետք է լինեին զեղչուկներ) ոչ թե փախել են իրենց համայնքից, այլ հրապուրվել են արքայի խոստումներով: Շինականը հասկանում էր, որ մի ֆեոդալից մյուսի մոտանցելով ոչնչով չի փոխի իր վիճակը: Իհարկե, բացառված չէ, որ ինքնուրույնության հակված գեղջուկը (որին հիշում է Նարեկացին)¹⁶ գյուղից հեռանալու քաղաք՝ ֆեոդալական կախվածությունը թեթևացնելու հույսով: Աղթամարի տաճարի և պալատի կառուցումը վկայում է, թե ինչպիսի մեծ նշանակություն ունեին գյուղատնտեսական բնակիչները նոր քաղաքների ոչ միայն կառուցապատման, այլև բնակեցման գործում: Պետք է կարծել, որ Գագիկի հրամանը տարածվել է նաև Վասպուրականից դուրս ապրողների վրա¹⁷:

Գյուղացիության ամենաստորին խավը, որը Վասպուրականում անվանվում էր «ծառա», իրավագուրկ էր, զուրկ տեղաշարժման իրավունքից, հողակտորից: Գրիգոր Նարեկացին երբեմն հիշում է ծառաներին «փախստական» մակդիրով¹⁸: Դրանից պետք է եզրակացնել, որ ծառաները ոչ միայն գուրկ են եղել ֆեոդալից հեռանալու իրավունքից, այլև երբեմն բողոքել, ընդվզել, փախել են տիրոջ մոտից: Ծառաները ստրուկների վիճակում էին: Նարեկացին գրում է. «Մառալութեան լուծ սաստկացաւ, ստրկութեան կապ զօրացաւ»¹⁹: Նարեկացին հիշում է «Մառայս վնասապարտս»²⁰, նշում, որ հանցապարտ, «չար» ծառաներին վիճակվում էր «բրելոյ զաշն», «ծայրատուրիւն մատանցն» կամ գլխատում²¹: Խոսքով Անձևացին, որպես հակընդդեմ խավեր, հիշում է «տէրանց և ծառայից»²²: Մատենագիրները Վասպուրականում ֆեոդալների տներում նույնպես հիշում են ծառաների: Կարծես չալ Շապուհը նշում է, որ Վասպուրականի կառավարիչ Գագիկ Ապումրվանը ծառաներ ունեւր²³: Հիշվում են նաև կին ծառաները՝ աղախինները²⁴: «Մառա» հա-

14 Նույն տեղում, էջ 480:

15 Նույն տեղում:

16 Գրիգոր Նարեկացի, էջ 143:

17 Հմմտ. ձեռ. № 5467, Բ. 12ա:

18 Գրիգոր Նարեկացի, էջ 51:

19 Նույն տեղում, էջ 56:

20 Նույն տեղում, էջ 208:

21 Նույն տեղում, էջ 190—191:

22 Խոսքով Անձևացի, Մեկնություն ժամակարգության, Օրթագյուղ (Կ. Պոլիս), 1840, էջ 182:

23 «Պատմություն Անանուն զրուցագրի, Կարծես չալ Շապուհ», Երևան, 1971, էջ 167:

24 Թովմա Արծրունի, էջ 426, Գրիգոր Նարեկացի, էջ 82:

մարվող գյուղացիները, որպես կանոն, գիտեին միայն մեկ տիրոջ²⁵, հանգամանք, որը նույնպես վկայում է տեղաշարժման իրավունքից նրանց զուրկ լինելու մասին, մինչդեռ կախյալ գյուղացիներն օգտվում էին այդ իրավունքից:

Կախյալ գյուղացիները և ծառաները բնակվում էին նաև ագարակներում. որոնք IX—X դդ. իրենց հողերով, արոտատեղերով, առուներով և այլն գտնվում էին ֆեոդալի լիակատար տնօրինության տակ: Սկզբնաղբյուրների հավաստմամբ՝ իշխանները վանքերին ու եկեղեցիներին հաճախ ընծայում էին նաև ագարակներ: Այսպես, օրինակ, Գագիկ Արծրունին և իր եղբայրները Ս. Խաչ վանքին են նվիրել հինգ ագարակ²⁶: Խալիֆայի ղորապետերին տրվելիք բնակավայրերի թվում գյուղերի կողքին հիշվում են նաև ագարակներ²⁷, որոնք նույնպես ունեին եկեղեցի²⁸: Ագարակներ էին համարվում նաև մշակված հողակտորները, անդաստանները, իհարկե, ֆեոդալի սեփական տնտեսության մեջ²⁹: Դրանք մշակում էին կախյալ գյուղացիները և ծառաները: Այս ի նկատի ունի Խոսրով Անձևացին, գրելով. «ծառային, որ յագարակէն գայցէ»³⁰:

Ագարակները նույնպես կազմում էին համայնքներ: Ֆեոդալներն ավելի շահագրգռված էին ագարակների տնտեսութանը, որը ենթակա էր իրենց անմիջական տնօրինությանը: Հավանաբար, սկզբնապես ագարակները եղել են ավաններին կից տնտեսություններ: Մովսես Խորենացին գրում է, որ հայոց Արտավազդ արքան իր մերձավորներից մեկին «որ խնամեցեալ էր ընդ նախարարս Վասպուրականի», տվել էր «ղաւանն Տատեօնս հանդերձ ագարակօքն»³¹: Ագարակը կարող էր հիմնվել ֆեոդալի կողմից: Հովհաննես Դրասխանադերձը վկայում է, որ Աշոտ Բագրատունին «զամենայն տափարակ տեղիս՝ ագարակս և գոմս դներ»³²: Ագարակները տնտեսապես զարգանալով երբեմն վերաճում էին ավանների (կամ միանում նրանց)³³: Ուշագրավ է, որ մատենագիրների մոտ ագարակը հիշվում է մեծ մասամբ ավանի հետ կողք-կողքի: Թովմա Արծրունին հիշատակում է «գեօղ, ագարակ, աւան», «գշէնս և զաւանս և զագարակս»³⁴, Հովհաննես Դրասխանադերձը՝ «զքաղաքս և զգեօղս և զաւանս և զագարակս», կամ՝ «զգեօղս և զաւանս և զագարակս»³⁵ և այլն: Ուրեմն ագարակները բազմաթիվ էին: Դրանից միաժամանակ երևում է, որ ագարակները շենքերից (գյուղերից) և ավաններից տարբեր էին: Եթե նույնը լինեին (ինչպես, օրինակ, շենն ալ գյուղը), մեկնումեկը միայն կօգտագործվեր: Բնակաւանբար, գյուղերի և ագարակների բնակիչները չէին կարող նույնիրավ լինել, քանի որ ագարակները ֆեոդալի սեփական տնտես-

25 Ձեռ. № 911, Բ. 99ա:

26 Թովմա Արծրունի, էջ 369:

27 Նույն տեղում, էջ 222, 242, 397:

28 Հովհաննես Դրասխանադերձ, էջ 199:

29 Թովմա Արծրունի, էջ 158:

30 Ձեռ. № 2607, Բ. 23ա:

31 Մովսես Խորենացի Պատմութիւն Հայոց, Տփղիս, 1913, էջ 263:

32 Հովհաննես Դրասխանադերձ, էջ 139:

33 Սեփականութի Տարօնեցւոյ (Ասողկան), Պատմութիւն տիեզերական»,

Ս. Պետերբուրգ, 1885, էջ 161:

34 Թովմա Արծրունի, էջ 214, 251 և այլն:

35 Հովհաննես Դրասխանադերձ, էջ 259, 261, 360:

սության մասն էին, որոնց բնակիչներն անմիջաբար շահագործվում էին նրա կողմից: Ագարակների բնակիչները, մեր կարծիքով, պետք է մտնեին շինականների դասի մեջ՝ նրանց հետ հանդես գալով որպես ազատ դասին հակադիր խավ (հիշենք, որ 444 թ. Շահապիվանի ժողովի կանոններում «շինական»³⁶ բառը գործ է ածվել «ազատ» բառին հակադիր նշանակությամբ): Ույց ագարակաբնակները ենթարկվում էին ֆեոդալական ավելի բիրտ շահագործման և իրավական ավելի ցածր աստիճանում էին, քան գյուղերում ապրողները: Այս է պատճառը, որ ըստ Մխիթար Գոշի գեղջուկներին իրավական առումով նախապատվություն պետք է տրվի ագարակների բնակիչների նկատմամբ³⁷, Գյուղահամայնքի բնակիչները ենթակա էին ամեն տեսակ պատահարների, որոնք լրացնում էին «տաժանումն հողագործի»³⁸, Անանիա Նարեկացու վկայությամբ՝ շինականները մշտապես ենթակա էին արհավիրքների՝ «ի գերողաց, ի գազանաց, ի թշնամեաց»³⁹, Խոսրով Անձեազին ևս վկայում է նույնը, շեշտելով նաև սովի աղետաբեր հետևանքները⁴⁰:

Հայ մատենագրության մեջ «համայնք» տերմինը բացակայում է: Սովորաբար հիշվում է շինականների բնակության վայրը՝ «գեօղ»-ը, բայց չի հիշվում նրանում հասարակական կազմակերպության՝ համայնքի, առկայության մասին: Անշուշտ համայնքին փոխարինող արտահայտություն եղել է: Մեր կարծիքով, այն «տուն» բառն է, որը ներառնում է բնատարածքային և տոհմական հատկանիշները (նկատենք, որ համայնքը ինչ-որ չափով տոհմական կարգերի մնացուկ էր): Գրիգոր Նարեկացու մի արտահայտությունից երևում է, որ համայնքն անվանվել է «տուն», որի գլուխ կանգնած տանուտերը կամ գեղջավազը ընդ իրում տանն հոգայ»⁴¹: Համայնքի ավագին տանուտեր է անվանում նաև Խոսրով Անձեազին⁴², Այս պարագան ևս վկայում է, որ համայնքը կոչվել է «տուն»: Գյուղի, շենի անուններով համայնքի բնակիչների անվանումը («գեղջուկ», «շինական») նույնպես փկայում է համայնքային սկզբունքի առկայության մասին: Այն ցույց է տալիս, որ միևնույն բնակավայրում ապրող շինականները համարվում էին այնտեղ գոյություն ունեցող հասարակական-տնտեսական միավորի՝ համայնքի, նույնիրավ անդամներ և անվանվում նույն կերպ:

Համայնքը որպես «տուն» դիտելու հանգամանքը սերտորեն կապված էր որոշակի սահմանների առկայության, ինչպես նաև հողերի պարբերաբար վերաբաժանման հետ: Թովմա Արծրունին վկայում է, որ IX դ. կեսին Վասպուրականը ժամանակավորապես զրաված արաբ զորավարները երկիրը միմյանց միջև բաժանելիս «արկանէին վիճակս. և լարս ձդէին ի վերայ սահմանաց»⁴³: Հ. Մանանդյանն իրավացիորեն նշում է, որ այս վկայությունն

³⁶ «Կանոնագիրք Հայոց», Ա, աշխատասիրությամբ Վազգեն Հակոբյանի, Երևան, 1964, էջ 433—434:

³⁷ Մխիթար Գոշ, Գիրք դատաստանի, աշխատասիրությամբ Խոսրով Թորոսյանի, Երևան, 1975, էջ 32:

³⁸ Գրիգոր Նարեկացի, էջ 524:

³⁹ Ձեռ. № 3477, Թ. 203ա:

⁴⁰ Ձեռ. № 2607, Թ. 136բ, Խոսրով Անձեազի, էջ 33:

⁴¹ Գրիգոր Նարեկացի, էջ 361:

⁴² Խոսրով Անձեազի, էջ 245:

⁴³ Թովմա Արծրունի, էջ 251:

ավելի շուտ արտահայտում է Հայաստանում (տվյալ դեպքում Վասպուրականում) ընդունված հողաբաժանության սովորական կարգը⁴⁴։ Ինչպես հավաստում է Թովմա Արծրունին, Գագկա կերտի շինության պատճառով Գագիկ Արծրունին «դարձոյց անդ զսահմանս անդր փոխելոյ գեօղիցն»⁴⁵։ Գյուղահամայնքների դաշտերի սահմանները չափել, նախապես գծել են թղթերի, մագաղաթների վրա։ Հակոբ Նարեկացի մատենագիրն այս մասին գրում է. «զդաշտս բազում տահմանօք և ասպարիսօք ի տարածումն լայնութեան քարտիսի չափեցից»⁴⁶։

Չափվել են նաև համայնքի բնակիչների հողակտորները։ Ծանապարհներին մոտ ընկած ցանքսերը, այգիները ցանկապատվում, երբեմն ցեխապատերով պարսպվում էին, քանի որ հակառակ պարագայում զանազան աւտարականք և անցաւորք ապականեն», իսկ «անդաստանն պարսպել՝ ծաղկալի և արգաւանդապատուղ լինի»⁴⁷։ Այդպիսով այն զերծ կմնար «օտար խաշանց... և խոզաց կերակուր» դառնալուց⁴⁸։ Ն. Ադոնցի կարծիքով՝ գյուղացու հողաբաժինը կոչվել է «կեանք», «արար» կամ «կալուած»⁴⁹։ Հ. Մանանդյանը, մերժելով Ն. Ադոնցի տեսակետը, գտնում է, որ գյուղացիական հողաբաժինը, որպես վիճակարկության մեջ ու լարածգության մեջ ստացված հողամաս, կոչվել է «վիճակ»⁵⁰։ «Արար» բառը թերևս ունի նաև իր ջանքերով արարված, ստեղծված հարստության, ունեցվածքի, այդ թվում և շենքի, կալվածքի իմաստ։ Այս առումով ուշագրավ է Ղազար Փարպեցու «Թղթի» մի դարձվածքը՝ «յարձակեցան յաղարս իմ և գիշատեցին յանխնայ»⁵¹։ Այն ունի ոչ միայն շարժական, այլև անշարժ գույքի իմաստ։ Իսկ «վիճակ» բառը հավանաբար ունեցել է նաև գյուղի, նույնիսկ երկրի, գավառի իմաստ։ Ազաթանգեղոսը հիշում է «չիւր վիճակն զՀայաստան երկիրն»⁵²։ «Հայոց Կանոնագրքում» հանդիպում ենք «վիճակին եւ աշխարհին»⁵³, ինչպես նաև «յայլոյ վիճակէ, յայլոց գավառէ»⁵⁴ դարձվածքներին, որոնք նույնպես վկայում են այս տերմինների իմաստային աղբյուր։ Ըստ երևույթին «վիճակ» բառն ունի նաև սահմանված կացութուն, կարգ, կազմակերպություն իմաստը։ Կանոնագրքում հանդիպող «ի բաժին, եւ ի վիճակ եւ ի ծառայութիւն»⁵⁵ դարձվածքը հավանաբար այդ առումով է գործածվել։ Նույնն է նաև «ի վիճակի կարգ» արտահայտությունը⁵⁶։ Կացութուն, կարգ, կազմակերպություն՝ իմաստն ունի նաև «ի վաճառս, ի գինեմորս, յերդս, ի տունս անհաւատից և յայլոց վի-

44 Հ. Մանանդյան, Ֆեոդալիզմը հին Հայաստանում, Երևան, 1934, էջ 204։

45 Թովմա Արծրունի, էջ 411։

46 Ձեռ. № 3477, Թ. 203ա («բարտէս» բառն այստեղ ունի թղթի, մագաղաթի իմաստ)։

47 Ձեռ. № 2607, Թ. 37բ, 38ա։

48 Գրիգոր Նարեկացի, էջ 308։

49 Н. Адоиц, Армения в эпоху Юстиниана, Ереван, 1971, стр. 480. Մովսես Խորենացին հիշում է կողք-կողքի արարս եւ գիւղս եւ զդաստակերտս (Մովսես Խորենացի, էջ 310)։

50 Հ. Մանանդյան, նշվ. աշխ., էջ 198—199, 201—204։

51 «Ղազարայ Փարպեցու Պատմութիւն Հայոց եւ Թուրք առ Վահան Մամիկոնեան, Թիֆլիս, 1907, էջ 426։

52 Ազաթանգեղայ Պատմութիւն Հայոց, Տիֆլիս, 1909, էջ 466։

53 Կանոնագիրը Հայոց, Ա, էջ 113։

54 Նույն տեղում, էջ 118։

55 Կանոնագիրը Հայոց, Բ, Երևան, 1971, էջ 209։

56 Նույն տեղում, էջ 196։

ճակաս⁵⁷ դարձվածքը: Ինչպես տեսնում ենք, տունը ևս անվանված է «վի-
ճակ»: Կարելի է կարծել, որ վիճակ բառով նշվել է նաև համայնքը՝ որպես
գյուղացիության կազմակերպման ձև: Մխիթար Գոշը գրում է, որ համայնք-
ներում հողաբաժանումը կատարվել է «հաւասարադատութեամբ»⁵⁸, սակայն
գրանցում առկա է եղել գույքային շերտավորում: Տանուտերը հողաբաժան-
ման ժամանակ ստացել է «մասն աւելի»⁵⁹, Դվինի 648 թ. ժողովի կանոննե-
րում ասվում է. «ոմանք յագատաց և յռամիկ հեծելոց հասանելով ի գեաւոս
ուրեք, թողեալ ղգեաւոն ի վանսն առնեն զիշաւանսն... եւ գուսանաւք եւ վար-
ձակաւք պղծեն գնուիրեալ տեղիսն Աստուծոյ»⁶⁰, Եթե ռամիկը ձի ուներ և կա-
րող էր հանձնվել խրախճանքի, այն էլ գուսանների ու վարձակների հետ, ապա
գա վկայում է նրա ընչավետության մասին: Թերևս այդ հանգամանքն է կա-
նոնները կազմողներին թույլ տվել վերջիններիս դնելու ազատների կողքին:
Նոր հիմնված գյուղահամայնքներում հողաբաժանումը հաստատուն հիմ-
քերի վրա էր դրվում միայն որոշակի թվով բնակչության առկայության դեպ-
քում: «Յորժամ զառաջինն շինիցի գիւղ, չէ հաստատուն բաժանումն հողոյն.
եւ ջրին եւ ալլոց ալսպիսեաց, մինչեւ բաւական բնակիչք ժողովիցին, եւ ապա
բաժանումն հաստատիցի»⁶¹: Համայնքը, որպես կազմակերպություն, ավելի
ազդեցիկ կարող էր դառնալ իր բնակչության թվով: Համայնքը և՛ որպես կազ-
մակերպություն, և՛ որպես ուժ ի նկատի ունեն Դվինի 648 թ. ժողովը, երբ
նշում էր «շինական իշխանության» մասին⁶²:

Համայնքի կամ տան ղեկավարը՝ տանուտերը (գեղջավագ) չէր դասվում
ազատանու կարգը: Հովհաննես Կողոննի Տեսիլքում տանուտերերը թեև հիշ-
վում են ազատների կողքին⁶³, բայց նրանք տարբերվում էին վերջիններից.
այլապես առանձին չէին հիշվի: Համայնքների տանուտերերը ունեին մեծ ազ-
դեցություն շինականների վրա: Խոսքով Անձևացու «Բանք տեղի աղօթից»
գործում նշվում է, որ շինականները գեղջավագներին պաշտում էին աստու-
պես, որ «ոչ աստուածայ՝ ալ մարդկան զնորա նմանին պաշտան զի առ
աւագս գիւղիցն ի պաշտօն ժողովին. ոչ աստուածայ ալ նոցա պաշտօն տա-
նել. որպես թե գերագոյն նոքա քան զաստուած իցեն. զաստուծոյ տամբք
զանց արարեալ զնոցա տունսն նախամեծար առնեն»⁶⁴: Այս վկայությունից
երևում է, որ համայնքի ներքին գործերը կարգավորելու համար գեղջուկ-
ները հավաքվել են և տանուտերերի հետ վճռել համայնքի հետ կապված
հարցերը: Հավանաբար, տվյալ դեպքում տանուտերերին պաշտելու հանգա-
մանքը արդյունք էր գյուղացիների մեջ հող գտած աղանդավորական (ան-
շուշտ թոնդրական) գաղափարների ազդեցության: Եկեղեցին համարվում էր
«բաղաք անմահ արքային»⁶⁵, ուստի, Խոսքով Անձևացու «զաստուծոյ տամբք
զանց արարեալ» խոսքերը վկայում են, որ գեղջուկներն ինչ-որ չափով մեր-

57 Նույն տեղում, էջ 116:

58 Մխիթար Գոշ, Գիրք դատաստանի, էջ 390—391:

59 Նույն տեղում, էջ 391:

60 «Կանոնագիրք Հայոց», Բ, էջ 211—212:

61 Մխիթար Գոշ, Գիրք դատաստանի, էջ 127:

62 «Կանոնագիրք Հայոց», Բ, էջ 209:

63 Ձեռ. № 4682, Բ. 12ր:

64 Ձեռ. № 6302, Բ. 73ա—բ:

65 Ձեռ. № 8343, Բ. 55ա:

ժել են աստծո տունը՝ եկեղեցին⁶⁶։ Տանուտերերի ազդեցիկ դերը բխում էր հիմնականում նրանց հասարակական գործառնությունից, որը չէր սահմանափակվում միայն աշխատանքների, զանազան պարտությունների կատարմամբ։ Տանուտերերն էին լուծում շինականների միջև ծագած վեճերը և այլն։ Խոսրով Անձևացին գրում է. «Որքան հսկէ տանուտէրն, գողք ոչ կարեն ական հատանել և գողանալ, այլ խոյս տուեալ փախիցեն»⁶⁷։ Ֆեոդալ-հողատերը քիչ էր խառնվում համայնքի ներքին գործերին։ Բայց նա շահագրգռված էր գյուղացու ֆիզիկական գոյությունը, քանի որ հողն առանց մշակողի արժեք չունի։ Այս միտումով էր, որ Վասպուրականի ֆեոդալները պատերազմների ժամանակ տեղահանում ու անմատույց վայրերն էին զաղթեցնում շինականներին։ Թովմա Արծրունին գրում է, որ Արթան լիճ հովտի մարտում Վասպուրականի ազատները ձեռքին զանձինս ի վերա բազմութեան... ամբոխիցն, իրրև զքաջ հովիւ ի վերայ խաշանց մեռանել յանձն առին»⁶⁸։

Օտար տիրապետության պայմաններում Վասպուրականի ֆեոդալներն ամեն ջանք գործադրում էին, որպեսզի գյուղացիությունը հարկը վճարի իրենց⁶⁹ և ոչ թե օտար տիրողներին, կամ որպեսզի իրենք հավաքեն հարկերը և փոխանցեն Արմինիայի ոստիկանին։

Արաբների հաճախակի հարձակումների հետևանքով Վասպուրականի գյուղահամայնքների բնակչությունը նոսրանում էր, երբեմն վերանում էին ամբողջ համայնքներ, խաթարվում երկրամասի տնտեսության բնականոն զարգացումը։ Այսպես, օրինակ, Բուղայի ասպատակության տարիներին (851—853) սկսեցին լանդերիկի համարձակութեամբ սփռել տարածանել ի վերայ երեսաց երկրիս ամենայն ազգքն տաճկաց»⁷⁰։ Համայնքների բնակիչները հարկ եղած դեպքում մարտի էին ելնում ընդդեմ Վասպուրական ներխուժած թշնամիների⁷¹։ Ուշագրավ է, որ ֆեոդալական ընդհարումների ժամանակ, ինչպես երևում է Թովմա Արծրունու վկայություններից⁷², ֆեոդալները չէին հենվում շինականության վրա, որի համար միևնույն էր, թե որ հայ ֆեոդալի գերիշխանությունն է ենթարկվելու, քանի որ շահագործման ձևը դրանից չէր փոխվելու։

Գյուղահամայնքների բնակիչները հաճախ մշակում էին խոպան հողեր։ Դա օրենքով խրախուսվում էր։ Աբու Յուսուֆը վկայում է, որ խալիֆայության համակարգում եթե գյուղացին մշակում էր խոպան, անմշակ հողը, ապա

66 Գրիգոր Նարեկացին «Կարգ և կանոն աղօթից» գործում նույնպես գրում է, որ «ամենք ...խաբեությունը և ոչ քերով կան յազալթա» (ձեռ. № 3676, Թ. 75ա)։

67 Խոսրով Անձևացի, նշվ. աշխ., էջ 245։ Հողաբաժանման ժամանակ զեղչավազի՝ ավելի մեծ բաժին ստանալը վարձատրություն էր նրան՝ «վասն հոգալու զայլսն» (Մխիթար Գոշ, Գիրք դատաստանի, էջ 391)։

68 Թովմա Արծրունի, էջ 242։ Սերբոսը գրում է, որ VI դ. կեսին՝ արաբական արշավանքների շրջանում, հայ նախարարները «միաբանեցան, արարին ընդ միմեանս հաշտութիւն, զի մի եղիցի ի մեջ նոցա սուր և արինհեղութիւն... զի և զշինականն ապրեցուցանեն» (Սեբեոս, Պատմութիւն ի Հերակլն, Թիֆլիս, 1913, էջ 238)։

69 Հովհաննես Դրասխանակերտցի, էջ 270։

70 Թովմա Արծրունի, էջ 251։

71 «Պատմութիւն Ղևոնդեայ Մեծի վարդապետի հայոց», ս. Պետերբուրգ, 1887, էջ 142, Թովմա Արծրունի, էջ 202, 244։

72 Թովմա Արծրունի, էջ 311—312։

ստացված բերքն ամբողջությամբ պատկանում էր մշակողին⁷³։ Խալիֆայությանը ենթակա երկրներում երեք տարի անմշակ թողնված հողին տիրելու իրավունք էր ստանում այն մշակողը⁷⁴։ Այս օրենքը կիրառվում էր նաև Հայաստանում։ Մխիթար Գոշի հավաստմամբ եթե շինականը մշակում էր խոպան հողը, ապա այն դառնում էր նրա ժառանգական սեփականությունը⁷⁵։

Խիստ դժվար էր նոր հողերի յուրացումը։ Անտառաշատ վայրերում այդ նպատակով կիրառվում էր անտառահատումը։ Թովմա Արծրունուն ծանոթ է հողամշակման այն ձևը, երբ հողը ռոտոգեալ ոտիւք ի միջոցս պրակացն, կամ երկմատանի փայտատովք սերմանեալ⁷⁶։ «Ի միջոցս պրակացն» արտահայտությունից երևում է, որ անտառները մաքրվել են և վերածվել մշակելի հողերի։ Անտառահատման ժամանակ օգտագործվում էր «փայտատը» (կամ կացինը)⁷⁷։ Գրիգոր Նարեկացին ևս հիշում է, որ անտառները հատել են քապարան արմատակտրաւ, ապա դարձրել մշակելի⁷⁸։ Թովմա Արծրունին հիշատակում է «առուամէջ այգեստանեայք»՝ առվով անջրպետվող այգիներ⁷⁹։ Ուրեմն, գետահովիտներում նույնպես այգիներ են գցվել, որոնք անջրպետվել են առուններով։

Գյուղահամայնքներում արմատացած սովորույթյամբ վարելահողերը ցանում և բերքը հավաքում էին որոշակի ժամանակում, որը պարտադիր էր համայնքի բոլոր անդամների համար։ Դրանով էր ապահովվում նաև հարկերի, հողային ռենտայի կանոնավոր մուծումը։ Խոսքով Անձևացին գրում է. «Թէ ոչ աշխատի մշակն՝ ոչ հնձէ ըգպտողն ի դէպ ժամանակի։ Այս է ժամանակ գործոց և աշխատութեան. այս է ժամանակ սերմանելոյ»⁸⁰։ Հաճախ գեղջուկն ստիպված էր լինում գիշերով հերկել դաշտը⁸¹, որպեսզի ապահովի երկրագործական աշխատանքների կանոնավոր հերթագայումը։ Գեղջուկի արտն ու անդաստանը ենթակա էին ամեն տեսակ պատահարների, հաճախ բերքը ոչնչանում էր «ի կարկտէ, ի մարախոյ, յերաշտոթեանէ և այլ ամենայն պատահարից», նաև ջրի պակասից՝ ինչպես վկայում է Անանիա Նարեկացին⁸²։ Մեծ էր նաև մորեխի հասցրած վնասը (այս մատին հիշում է Արամ Մատենագիրը՝ Վասպուրականի Անձևացիք գավառի իշխան Ատոմին գրած Թըղթում)⁸³։ Երկրագործական վնասատուների դեմ պայքարի հնարավորությունները, իհարկե, սահմանափակ էին։ Թեև կիրառվում էին որոշ միջոցներ (Գրիգոր Նարեկացին, Թովմա Արծրունին հիշատակում են ծծոսբը և այլն)⁸⁴, բայց շատ դեպքերում հնարավոր չէր լինում փրկել գյուղացու տքնաջան աշխատանքով աճեցված բերքը։

⁷³ Abou Jousouf, p. 140.

⁷⁴ Նույն տեղում, էջ 91.

⁷⁵ Մխիթար Գոշ, Գիրք դատաստանի, էջ 32.

⁷⁶ Թովմա Արծրունի, էջ 203.

⁷⁷ Հովհաննես Գրատխանակերտցի, էջ 275 (ազանտառս փայտից փայտատով կոտորեցին)։

⁷⁸ Գրիգոր Նարեկացի, էջ 32.

⁷⁹ Թովմա Արծրունի, էջ 424.

⁸⁰ Ձեռ. № 8343, Բ. 38բ.

⁸¹ Ձեռ. № 2607, Բ. 119բ.

⁸² Ձեռ. № 3477, Բ. 215ա.

⁸³ Ձեռ. № 3710, Բ. 322ա.

⁸⁴ Գրիգոր Նարեկացի, էջ 503, Թովմա Արծրունի, էջ 219.

Այսպիսով, Վասպուրականում ևս երկրագործական կյանքի կազմակերպման հասարակական հիմքը գլուղական համայնքն էր: Նրա շնորհիվ էր պահպանվում և առաջադիմում այդ երկրամասի տնտեսությունը: Համայնքային կազմակերպությունը պետական-քաղաքական ձեռնից ամփոփ կենսակայուն էր, քանի որ այն ներկայացնում էր աշխատավոր ժողովրդին և հանդիսանում նրա միասնության, համախմբման գրավականը: Այն միաժամանակ պետականությունը կորցրած ժողովրդի գոյապահպանման հասարակական-տնտեսական հիմքն էր:

СЕЛЬСКИЕ ОБЩИНЫ В ВАСПУРАКАНЕ В IX—X вв.

ВРЕЖ ВАРДАНЯН

Резюме

Основой организации земледельческой жизни в Васпуракане являлась сельская община. В целях выяснения налоговых и хозяйственных возможностей общин в Васпуракане проводились переписи, благодаря которым учитывались трудоспособные жители общин, а также имущество дымов. Общины Васпуракана IX—X вв. в основном состояли из зависимых и свободных крестьян. По свидетельству источников, иногда целые общины ставились в зависимость от феодалов или церкви. В армянских источниках отсутствует термин «община» («համայնք»), который, как надо полагать, заменялся термином «дом» («տուն»). Хотя общины юридически и были равноправны (даже глава общины — танутер — не ставился за рамки крестьянского сословия), однако с усилением феодальной эксплуатации увеличивалось число зависимых крестьян. Жители общин иногда осваивали новые земли или покидали полученные от феодала земельные участки из-за незначительной прибыли.